

VETERANOS E COMBATENTES DA LIBERTAÇÃO NACIONAL

República Democrática de Timor-Leste

Declaração Política

JUÍZ IHA TRIBUNÁL DISTRITÁL DILI HALO TRAI SAUN BÁ POVU no TAU EMKAUZA INTERESE NASIONÁL TIMOR-LESTE

Introdusaun

Ami, Veteranos e Combatentes da Libertação Nacional husi Estrutura Resisténsia nian hanesan: Frente Armada, Frente Klandestina, Frente Esterna, Organizasaun Resisténsia Juventude, Organizasaun Feto – husi Rejiaun 1, Rejiaun 2, Rejiaun 3, Rejiaun 4 no Rejiaun Autónomo-Dili, ne'ebé halo funu durante tinan ruanulu resin hat (24) ba Libertação Naslonál,

Deklara

Ami RESPEITA no tau a'as Orgaun Soberano hanesan, Presidente da República, Parlamento Naslonál, TRIBUNÁL no Governo nudar ai-rilin fundamental iha Estado Direito Demokrátiku.

Bazeia ba Constituição da RDTL Artigo 11, no Lei No.9/2009 Artigo 34 – a) fo kontribulsaun ba dezvoltamentu naslonál no estabilidade sosiál maka, Relasiona ho desizaun TRIBUNÁL DISTRITÁL Dili konaba kazu imposto ne'ebé Estado Timor-Leste hasoru ho Kompañia estranjeiru sira maka hala'o esplorasau min a no gas iha Tasi-Timor, hamutuk kazu lima nulu resin ida (51), no Estado Timor-Leste lakon tiha ona kazu sanulu resin nen (16). Ho desizaun ne'e Estado Timor-Leste lakon mos osan Dollar Amerikanu besik Millaun Hat Nulu (\$ 40.000.000,-).

Haree ba faktu, hatudu momos katak ita nia sistema judisiáriu mukit liu, ne'e sei lakon kredibilidade no estabilidade iha instituisaun justisa nudar ai-rin fundamentál ida iha Estado Direito Demokrátiku.

1. Desizaun 'COPY/PASTE:

Juíz nain tolu (3) ne'e maka hanesan : Dr. Paulo Teixeira, nasionalidade Portugés, no Juíz Timor-oan nain rua (2) HATUN DESIZAUN ba kazu tolu (3) ne'ebé ke la hanesan. Maibe, dokumentu kona-ba DESIZAUN ba kazu tolu (3) ne'e nian hanesan de'it. Desizaun 'COPY/PASTE: Liafuan ida de'it, gramátika sala mós hanesan de'it no virgula rua (2) mós hanesan.

Desizaun 'COPY/PASTE, komprova katak Juíz nain tolu (3) ne'e halo KONKALIKON hodi kondena Estadu.

Ami KONDNA no la SIMU atitude hirak ne'e. Juíz ida-idak tenki hala'o nia kna'ar ho independensia – la'os COPY/PASTE fali.

Desizaun COPY/PASTE husi Juíz sira hatudu katak, la PROFESIONAL no Juíz na'in tolu (3) ne'e halo ona KRIME hasoru Nasaun RDTL. Ami lamenta mos, tanbasá Ministériu Públiku hala'o kna'ar atu defende Estadu lha TRIBUNÁL, bainhira apresenta 'kontestasaun', maibe, Ministériu Públiku kahur fali dokumentu sira husi kazu projetu ida nian, ba fali kazu projetu seluk nian, ne'ebé halo ita deskonfia no hatudu katak sira laiha responsabilidade no la profesional.

Porezemplu:

- Iha kazu lima (5) ne'ebé kompañia balu hasoru Estadu konaba taxa/imposto, Ministériu Públiku hatama dokumentu ho pájina liu atus hat (400). Maibé, alende hatama dokumentu rungu-ranga de'it (la organiza halo didiak), Ministériu Públiku hatama dokumentu sala. Dokumentasaun hatama kazu kompañia ida, nia konteúdu argumentu kazu seluk nian.

Ami rezeita hahalok ida ne'e no ami konsidera hanesan trasaun bo'ot ida mak Ministériu Públiku no TRIBUNÁL halo hasoru Estadu. Hahalok ne'e hatudu katak Prokurador no Juíz sira

la hala'o servisu ho honestidade, maibe ho intensaun atu hetan benefislu balun ba sira nia interese liu husi kazu hirak ne'e.

Ami labele konsidera hanesan faillansu, malbe ne'e hahalok ida estruturadu no sistematizadu tanba iha Asesor Internasionál iha Ministériu Públiku no ho Juíz iha TRIBUNÁL, ne'ebé iha dever atu haree no estuda didiak molok foti desizaun. Asesor Internasionál sira labele Tau Emkauza, ami nia INTERESE Nasionál.

Haree ba hahalok autor judisiáriu iha Timor-Leste hanesan ne'e maka, ami Veteranos no Combatentes da Libertação Nacional hakarak fo hanoin katak, durante tinan 24 (rua nulu resin ha'at) ami LUTA ba Lia-Los. Durante tinan 24 (rua nulu resin ha'at) ami buka JUSTISA tuir padraun internasionál. Durante 24 (rua nulu resin ha'at) ami fakar-ran, ami terus, ami susar, no ami nia maluk funu nain sira ru'uk naklekar iha Territóriu tomak – hodi HARI'I NASAUN.

TANBA NE'E, ami LA PERMITE - se se deit maka iha intensaun hakarak HANEHAN FALI AMI, nudar NASAUN SOBERANU NO AMI PRONTU HODI DALA IDA TAN DEFENDE SOBERANIA NO INTEGRIDADE NASIONÁL.

EZUÉNSIA ba Tempo Badak :

1. Bazeia ba faktu sira ne'e hotu maka ami ezi'e ba Estado atu halo reforma IMEDIAMENTE iha área Seitor Justisa
2. Foti medida LALAI ba Juíz hirak ne'ebé maka halo desizaun ne'ebé LALOS hasoru Estado.
3. Estado halo investigasaun INDEPENDENTE atu hatene tanbasá maka Estado Timor-Leste lakon iha kazu sanulu resin nen (16).
4. Suspende no investiga Juíz sira ne'ebé involve iha prosesu judisiáriu ba kazu refere

Ba Estado Português

Ami tau a'as Nasaun Portugal no Povo Português, ne'ebé iha tinan 24 akompaña ami nia terus no susar atu hola medida relevante hasoru Juíz Internasionál Dr. Paulo Teixeira ne'ebé involve iha desizaun ba kazu imposto hasoru Estado Timor-Leste iha TRIBUNÁL DISTRITÁL Dili.

Ba Governo Timor-Leste

Ami eziji ba Governo hodi halo briefing ka fahe informasaun ba Combatentes da Libertação Nacional konaba asuntu Certain Maritime Agreement Timor-Sea (CMATS) ka asuntu hirak ne'ebé nudar – INTERESE NASIONAL.

Ami fó hanoin ba TRIBUNÁL no Instituisaun seluk katak, LABELE HALUHA, POVO TIMOR-LESTE MATE LIU rihun atus rua resin (± 200) TANBA DE'IT ukun rasik a'an.

Bainhira TRIBUNÁL bele halo ona injustisa bá Estado – oinsá tan ho Povo k'ik ne'ebé laiha kibi'it atu defende a'an?

Apelo ba Timor-oan

Veteranos e Combatentes da Libertação Nacional apela ba Timor-oan hotu-hotu tenki NEON NAI'IN, MATAN MORIS, hodi haree tuir nafatin ba lala'ok individu balu lha Instituisaun Estado hanesan TRIBUNÁL DISTRITÁL Dili, ne'ebé hala'o servisu la ho imparcialidade, la honestu, inkapasidade no la profesional.

Tanba ne'e dunik:

MAI ITA HAMUTUK HODI DEFENDE ITA NIA RIKU-SOIN TANBA NE'E MAK FUTURU BA ITA NIA-OAN NO BEI-OAN SIRA.

ITA HAMUTUK HODI DEFENDE LIA-LOS, FUNU HASORU NA'OK-TEN NO BOBARDOR SIRA, TANBA UKUN-Á'AN NE'E ita HETAN HODI RAN NO RUIN MAK NASAUN NE'E LIVRE NO INDEPENDENTE.

MAI ITA HAMUTUK HO LIAN IDA DEIT KATAK :


O HAKAT LIU AMI NIA MATE MAK – O HASAI AMI NIA RIKU NO SOI.

A Luta Continua!

Dili, 29 Outubru 2014,

Veteranos e Combatentes da Libertação Nacional

Koordenodór


Vasco Criado da Gama

Vise Kordenadór


Gil Oan Soro Monteiro

Sekretáriu


Jorge We Moris Alves

Rejiaun I :	Rejiaun II :	Rejiaun III :
Renan Selak	Marito Reis	Tuloda Alves
Larxi	Lintlil	Cornelio Gama L7
Rejiaun IV :	Rejiaun Autónomo Dili :	OPMT/OMT :
Riak Lema	Oxi	Fiar Dame
Berek	Midar	Megawati

Organizasaun Juventude :

OJEOTIL	OPILATIL	FITUN	Sagrada Família
RENETIL	HABURAS	DSMTT	

Hato'ó bá :

1. Parlamento Nacional da República Democrática de Timor-Leste
2. Presidente do Tribunál de Recurso da RDTL
3. Primeiro Ministro da República Democrática de Timor-Leste
4. Ex-Presidente do Parlamento Nacional da RDTL, DR. Francisco Guterres Lu Olo
5. Ex-Presidente da RDTL, DR. José Manuel Ramos Horta
6. Ex- Primeiro Ministro da RDTL, DR. Mari Alkatiri
7. Major General da FALINTIL-FDTL, Lere Anan Timur
8. Comissário da Polícia Nacional de Timor-Leste, DR. Longuinhos Monteiro
9. Reverendo Bispo de Diocese de Dili, Dom Alberto Ricardo
10. Rev. Bispo de Diocese de Baucau, Dom Basílio do Nascimento
11. Rev. Bispo de Diocese de Maliana, Dom Norberto de Araújo
12. Rev. Presidente de Associação Igreja Protestante de Timor-Leste
13. Rev. Presidente de Associação Islâmico de Timor-Leste
14. REITOR da UNTL
15. REITOR da UNITAL
16. REITOR da UNDIL
17. REITOR da UNPAZ
18. REITOR da IOB
19. REITOR da DIT
20. REITOR de Fundação Cristal
21. Director de Forum ONG de Timor-Leste
22. Arquivo